



## 小學稽業序

予以子姪及齠將入小學而古傳既湮謀授朱晦菴所輯閱之殊邠廓天道性命上達也親迎覲朝年及壯強者也以至居相告老諸樞皆非童幼事且何分於大學焉或曰小學使之先知其理耳奚必事之爲予懔起立曰子漫語乎抑將以誤學術也論語曰小子當灑掃應對進退大戴禮曰八歲入小學學小藝履小節未嘗言僅明理也且晦菴曰小學學其事大學究其理子又曰小學以明理吾見窮經考理者接踵而幼而幼儀小舞長而禮樂兵農以履事者寥寥也毋乃階之爲厲小學則然思內則八年暨十五前教有成法晦菴亦曾探入小學固可信者乃遍尋昔人流傳儀節實之復纂四字語於首俾幼童誦之卽學習之行之知行竝進庶養蒙而已端乎樂舞郵致河右先生論定王子崑繩子未二兄則訂全帙乃進質顏習齋先生竝演幼儀歌舞倩坐觀先生莞爾曰

子前於大學辨業矣茲小學則稽古人成法蓋名稽業因以名  
康熙四十四年夏四月丁丑蠡吾李塏書於郟城署寓

# 小學稽業

蠡吾李堪剛主纂

德州孫勤子未訂

大興王源崑繩校

## 卷一

小學四字韻語

## 卷二

食食

能言

六年教數

方名

七年別男女

八年入小學教讓

九年教數日

十年學幼儀

卷三

學書

卷四

學計

卷五

十有三年學樂 誦詩

舞勺

# 小學稽業卷一

蠡縣李堪纂

古者養蒙靡有不教當其能食右手已詔能言男唯進而六年東西南北以中爲權衍數一始二五爲十爲百爲千積累萬億七年食席與女各著時及八歲則入小學小藝小節習從此始出入後長讓以示耻九年數日日十二時積月爲歲紀以干支十年宿外習禮帥初褹袴不帛聿學計書禮謹幼儀灑掃應對進退有度朝夕服佩何以灑掃盤水攘肘播灑無濡室則握手執箕當舌由奧以鬣袂拘而退毋揚毋徹自鄉而扱板排出棄拚席掃地伊用各具應對進退其儀孔多幼事父母夙興云何盥漱升堂問何食矣或進執牀亦佐視具祇敬杖衾命餽乃食有呼則唯吐而走亟舉足莫忘旣省復定出告反面冬溫夏清及事先生供盥泛拚顏恭而執經業審問請益復起師出皆起後至就席狹坐

則起賓客有至駿作無讓應且遂行反命惟諒至於食時攝衽而饋貳已乃徹

拚前後醕古寅震韻相叶暮食復禮執燭謹代奉師就息枕席必在路遭長者趨拱弗

遲不敢問年不請所之進以其令退以其令燕見從人不敢將命凡侍長者未

餘前席正容恭聽面抱是視古陌寅韻通轉毋隱毋躁問則起答毋有雷同勦說攙雜

值或入白左右屏待側聽噉應淫視荒怠髮髡冠免寢伏坐箕勞袒暑褰遊倨

立跛皆宜力戒小心翼翼不叱不唾燭不見跛如見君子欠伸撰杖則且出矣

有請再往其或侍食拜饋飲立手毋援莎小飯數嚼無然無然搏飯放飯流歡

咤食固獲揚飯齧骨反肉嚙羹絮羹歡醢噉炙刺齒不敬卒食自徹主興乃已

若有所賜不敢言辭古三聲通用或從提攜兩手奉手惟鄉是視對則掩口凡為弟

子九容豫飭聲靜色莊頭直氣肅立必正方目端口止手恭足重更坐如尸固

頤正視平肩正背足間二寸勿搖經立古隊緝韻通轉微磬共立磬折肅立垂佩卑立

立容欲執坐以經立微俯共坐視尋肅坐低首卑坐行以微磬臂不搖掉肩不

上下行容有道趨以微磬飄然翼然肩狀若流足如射箭旋以微磬中規中矩

跪以微磬手股有紀

古支魚  
虞通用

拜以磬折項衡下首吉事上左否則上右坐乘

立乘如經立坐顧不過轂有禮無惰稽古稱先言視勿誑整衣齊帶行曰有常

孝弟無違私財莫畜隅坐隨行意虛志直

古入聲  
通用

雁行朋友切磋日滋行禮於

人稱父拜之凡事勿專必稟家長勿以尊位待己私訪朔望節令家禮學儀拜

親拜師先聖先祠六經廿史漸次讀閱同學往來齒序行列勿爲狎戲勿信老

佛節食窳慾字紙必拾維書有六首曰象形指實掌虛永字研精側如墜石勒

似勒馬中柱懸針弩灣而下趨存勢生策仰暗揭掠勿尾弱鳥啄刀磔人言止

戈所以會意力田帚女謂之指事爾雅說文漢唐註疏問奇析義典文宣布轉

注有正時是正征亦有旁轉韓何蘋萍假借多端魚作馬稱以獸况人維豫維



能至於入音多借三聲諧聲之法五均不同篆變而楷漢隸可遵隸二篆八乃是八分計始九九錯綜減增積分求合須用因乘起手二位三四迤下盡皆乘之迺計身馬分用九歸繼身以除無除還原撞歸亦需一歸無法二歸乃立二一作五逢二進十三一三二六二逢三進十三歸是記四一二三四二作五四三七二逢四進十中原韻以十作齊五一倍二五二倍四五三倍六五四倍八古寘點逢五進十五歸此察六一下四六二二三二六三作五六四六四五古通轉八二逢六進十古寘緝七一下三七二下六七三四一七四五五中原韻以六作尤七五七一七六八四逢七進十七歸斯備八一下二八二下四八三下六八四作五八五六二八六七四八七八六逢八進十九歸隨下逢九進十凡此歸乘定位爲急爰及九章方田見畝二四歸除四斜裊補粟布貴賤盤量倉窖若斤秤法斤兩相較差分物混先求一差一差既定自得各差少廣開方商除見面

長闊相差縱橫俱現平圓求徑又須求周三稜立方各有方求商功工壤浚深  
築高亦有均輪平費與勞盈胸互見如數手指雜糅正負方程則哲方圓高深  
測以勾股勾三股四其弦則五學至十三益以學樂五聲二變先習其略調分  
七音正以律呂宮及變宮遞商角徵變徵與羽層激而高每音七音清濁環繞  
律呂標名黃鐘大呂太簇夾鐘姑洗中呂蕤賓林鐘夷則南呂無射應鐘元聲  
盡只四乙上尺工凡暨六卽古五聲諸器有八金石絲竹匏土革木或起或收  
或倚或節升歌堂上笙入堂下間歌合樂合語樂罷樂章爲詩教之以誦屬讀  
曰言長言曰永永言之道中矩中鈎上下曲止累累貫珠古尤虞肆舞小舞詩  
篇名勺千戚維武擊刺坐作文則羽籥揖讓翩翩綴兆進退鐸相相宣已上小  
學訖於十四嗣此射御禮樂更巨明親兼善大學之物小旣克勤大乃可事古

物韻  
通轉

右將小學物事撰爲四字韻語以便幼童讀而習之其詳具後

小學稽業卷一終

小學稽業卷二

內則曰子能食食教以右手能言男唯女僉男鞶革女鞶絲

鄭康成註曰鞶小囊男用韋女用繒有飾緣之服虔曰鞶大帶

六年教之數與方名

前漢食貨志八歲入小學學六甲五方書計之事則六歲所言數方指一二

東西之大略言也鄭註方名東西數

一 二 三 四 五 六 七 八 九 十 十一 十二 十三 十四 十五

十六 十七 十八 十九 二十 百 千 萬 億 權數俱今 毫

釐 分 錢 兩 斤 度數 毫 釐 分 寸 尺 丈 量數 勺

合 升 斗 石

方名

東南西北中東南西南西北東北

七年男女不同席不共食

鄭註曰蚤其別也

大戴禮保傅篇曰古者年八歲出就外舍小學也學小藝焉履小節焉

此統論八歲至十四入小學之所學也白虎通前漢書入小學年皆同此而賈誼新書容經篇曰古者年九歲入小學履小節業小道尙書大傳曰公卿之世子元士之嫡子年十三入小學見小節而踐小義曲禮曰人生十年曰幼學內則同之是又十歲入小學矣或古人通用或貴賤有分或朝伐各異今人率用八歲但須實入八歲乃足任學事若弱小者遲一二歲亦可

內則曰八年出入門戶及卽席飲食必後長者始教之讓

鄭註曰示以廉耻

九年教之數日

鄭註曰朔望與六甲也

天一周共三百六十五度四分度之一日東出於天一晝夜而復東出故晝

達夜遂名曰日月行三十晝夜而與日合朔故三十日遂名曰月自初一日

十月明始生謂之朔而初二日初三日初四日初五日初六日初七日初八日

初九日初十日十一日十二日十三日十四日至十五日與日相對而滿

謂之望或滿於前後日亦為望而十六日十七日十八日十九日二十日二十一日二

十二日二十三日二十四日二十五日二十六日二十七日二十八日二十

九日終三十日月消盡謂之晦月小則盡二十九日天日月所會分子丑寅卯辰巳午

未申酉戌亥十二次一次三十度三十分度之十四歲星十二月行一次而

春夏秋冬四時之功畢故十二月謂之歲十干甲乙丙丁戊己庚辛壬

癸 十二支 子丑寅卯辰巳午未申酉戌亥 干支相配數窮六十曰六

甲以紀歲月日時

歲十二月日十二時  
則用支數一無易焉

甲子乙丑丙寅丁卯戊辰己巳庚

午辛未壬申癸酉 甲戌乙亥丙子丁丑戊寅己卯庚辰辛巳壬午癸未

甲申乙酉丙戌丁亥戊子己丑庚寅辛卯壬辰癸巳 甲午乙未丙申丁酉

戊戌己亥庚子辛丑壬寅癸卯 甲辰乙巳丙午丁未戊申己酉庚戌辛亥

壬子癸丑 甲寅乙卯丙辰丁巳戊午己未庚申辛酉壬戌癸亥

十年出就外傳居宿於外學書計衣不帛襦袴禮帥初朝夕學幼儀請肄簡諒  
鄭註曰外傳教學之師也不用帛爲襦袴爲太溫傷陰氣也禮遵習先日所  
爲肄習諒信請習簡謂所書篇數也請習信應對之言也孔穎達疏曰簡禮  
篇章也諒謂言語信實言請長者習學篇章簡禮及應對信實言語也陳澧  
集說曰書六書計九數愚謂傅小學師幼不盡飾遜長也初者所習之別讓

也肆兼上書計幼儀言簡不使之多也恐苦之也諒信也不使欺其日功也  
書計幼儀非限於十年內言學之從此始也他倣此

幼儀

論語子曰弟子入則孝出則弟謹而信汎愛衆而親仁行有餘力則以學文

子游曰子夏之門人小子當洒掃應對進退則可矣

曲禮曰凡爲人子之禮冬溫而夏清昏定而晨省

鄭註定安其牀  
枉省問安否

在醜夷不

爭

醜衆  
夷儕

夫爲人子者出必告反必面所遊必有常所習必有業恒言不稱老

爲人子者居不主奧

孔疏主  
猶坐

坐不中席行不中道立不中門食饗不爲槩

鄭註

槩量

祭祀不爲尸聽於無聲視於無形不登高不臨深不苟訾不苟笑孝子

不服闇

不於闇冥之中從  
事爲卒有非常

不登危懼辱親也父母存不許友以死不有私財



內則曰子事父母鷄初鳴咸盥漱櫛縱笄總拂髦冠綏纓端鞞紳摺笏

緹黑 緇韜

髮作髻插笄以固之又以緇為總束髮本垂餘髻後為飾乃拂去髦塵加之而著冠髦用髮為之象幼時髻其著冠也結纓領下以為固結之餘者散而

下垂謂之綖于是衣元端左右佩用左佩紛帨鄭註拭巾也刀小刀小觶解小金

燧取火於日右佩玦捍拾管也大觶木燧物偪行屢著綦屢繫此本成人

之事因後文及少者故備錄之

以適父母之所及所下氣怡聲問衣煖寒疾痛苛癢而敬抑搔之出入則或

先或後而敬扶持之進盥少者奉槃長者奉水請沃盥盥卒授巾問所欲而

敬進之柔色以溫之父母必嘗之而後退

男未冠者鷄初鳴咸盥漱櫛縱拂髦總角衿纓皆佩容臭鄭註容臭香物也以纓佩之按即今

香囊與婦人纓不同昧爽而朝問何飲食矣若已食則退若未食則佐長者視具

父母將坐奉席請何鄉將衽長者奉席請何趾鄭註衽臥席少者執牀與坐牀坐小牀